



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 4. Joannis Riccii Cardinalis obitus.

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI.
A.C. 1574.

suæ pietatis, Zeliq̄ue exempla præbuerit.

§. IV.

Joannis Riccii Cardinalis obitus.

*Ciacon. t. 3.
pag. 771.
Aubery vie
des Cardin.
Petrus Jus-
tin. hist.
Vercet Ug-
hel. Ital.
Sacra.*

Priusquam Lotharingius Cardinalis, cujus etiam obitum ad exitum prioris libri recensuimus, vita fungeretur, ex Purpuratis quatuor alios sacri Collegii consortio mors eripuit, quos inter primus erat Joannes Riccius Politianus in Montepolitiano Etruriæ oppido ortus ex familia minus illustri, quam fuit illa, quæ Florentiæ sedem fixerat. Ceterum Joannes Patrem habuit Antonium Riccium, qui uxore sua orbatus ad secundas nuptias transiit, cum autem Joannes annos quindecim, aut ferme sedecim natus Novercæ suæ odio vexaretur, Romam se contulit, ubi a quodam Nobili Patris sui amico benigne exceptus apud Joannis Mariæ Cardinalis Montani œconomum esse jussus est, cujus Cardinalis gratiam ob solertiam suam promeritus est, adeo, ut tunc, cum ipsemet Palatii Magister vita fungeretur, in ejus locum succederet, ubi in illo munere se talem præbuit, ut dein, cum Alexander Farnesius Cardinalis, Pauli III. nepos Magistrum domus quæreret, nullum, qui sibi satisfaceret, præter Joannem inveniret.

Cum

Sæcul. XVI.
A.C. 1574.

Cum autem Farnesius hunc juvenem ingenii acie, miraque in rebus gerendis dexteritate præditum esse cognosceret, illius opera in pluribus magni momenti negotiis utebatur, quæ Joannes cum summo honore perficiebat, sæpe in Franciam, Germaniam, & Belgium ablegatus: inde vero rediit sacrae militiæ nomen dabit, atque a Paulo III. Clericus Camerae Apostolicæ renunciatus, dein trina vice in Hispaniam, & Lusitaniam, ubi Internuntii munere fungebatur, decretus est: porro cum Romam reversus, Montanum Cardinalem suum pristinum Patronum assumpto Julii III. nomine ad Divi Petri Cathedram evectum cernebat, ab eodem pluribus favoribus augebatur; quippe a recens electo Pontifice Archiepiscopatum Sipontinum, & non multo post Episcopatum Clusinum obtinuit, ac demum in tertia Cardinalium electione inter Presbyteros Cardinales titulo sancti Vitalis mense Novembri anno Salutis nostræ millesimo quingentesimo quinquagesimo primo cooptatus est: insuper a Pio IV. Ecclesiam Montepolitianam in Cathedrali evehi, atque huic Episcopatu Spinellum Bencium præfici impetravit, quo defuncto Riccius Cardinalis successit, atque Pisanum Archiepiscopatum

Sæcul. XVI.
A. C. 1574
tum adeptus ibidem pro suæ Nationis juvenibus Collegium erexit. Mortuo Pio IV. Pontifice in sacris comitiis Cardinales plures sua in eum suffragia conferebant, quamvis in Papam non eligeretur: subrogato autem Pio V. sancti Vitalis titulum dimisit, atque illum sanctæ Mariæ Trans-Tyberim adoptavit, dein creatus Albanensis Episcopus: præterea rursus quosdam Purpuratos sibi suffragantes habuit, cum Gregorius XIII. Pontifex renuntiaretur: eo autem Divi Petri Cathedram moderante Riccius die tertia Mai Anno Incarnationis Dominicæ millesimo quingentesimo septuagesimo quarto obiit anno ætatis suæ circiter septuagesimo septimo: natus enim erat Anno Salvatoris nostri millesimo quadringentesimo nonagesimo septimo, Corpusque ejus Romæ in sancti Petri de Monte aureo sacello a se ædificato terræ mandatum est.

§. V.

Antonius de Crequy Cardinalis mortuus.

*Ciacon.
pag. 967.
Aubery l. c.
Frizon Gall.
Purp.*

Alter ex Cardinalibus erat Antonius de Crequy natione Gallus, Filius secundo genitus Joannis Crequii, & Mariæ Acigne de Boscobello. Ceterum Antonius ex S. Juliani Turonum Abbate, Præpositus S. Petri de Selincourt,